

嘉興府志補卷之十一

賜進士嘉興府知府萊陽于鳳階鑒定

東丘子 郡人 鄒 衡 編 集

嘉興府儒學教授岳陽何 鑑校正

嘉善縣

題詠

表賢祠

江 吉 邑人

詔應賢良第一名幾多勲績贊

皇明抗章竟沮青苗法歸計遙尋白犢涇耿耿孤忠

嘉興府志補 卷十一

一

昭汗簡稜稜直節表生平英靈重格春秋祭為喜新
祠已落成

同前

周 玕 邑人

舟艤風溪落日遲仰公高節拜公祠賢良一策古今
重忠義滿腔天地知欲問白牛尋舊跡忍看碧蘚上
殘碑逢人若論青苗法誰為蒼生不淚垂

同前

沈 際 邑人

壯年英氣薄浮雲一疏清風萬古聞只恨星江無白
犢故園歸計尚勞君

同前

鄒衡

清風千古名猶在負郭祠堂已蔓荆鄉曲有人新廟貌遠尋蕭寺拜先生

瓶山

梅江郡人

磊砢稜層總是瓶何年堆積肖山形茂林雨過浮嵐氣修竹風來帶酒醒羽士修真看老子騷人沈醉憶劉伶乘驄兩度舒游目東望蓬萊萬仞青

慈雲寺

前人

一徑松杉遠寺紛肩輿迢遞入慈雲清風拂面秋聲嘉興府志補卷十一

二

近慧日當空暑氣分豪客壽高能醞藉主僧年少甚殷勤題詩記取來游景步出山門尚未曛

麟水謠

沈際

麟之水分清清麟之風兮淡且醇鼓蘭舟兮吹鳳笙鷗鷺集兮情相親別有天兮湛無塵長道遙兮朝太平

山雨樓阻雪

鄒衡

樓名山雨當空起極目天涯我腸株守客窗真寂寞寒砧裘貉併淒涼雲連柳絮迷長道風捲梨花度

短牆郡閣門人延望久定應出卜候還鄉

和

錢福

新春纔過眼何地話衷腸花蕊初含暖山容尚帶涼
雪印留陰壑鶯聲度隔牆浪愁身是客聽語是同鄉

和

呂憲

武塘殘歲妨歸路鴈雪登樓斷客腸侯命已能暗否
泰固窮那復嘆炎涼且捫便腹存經笥幸淑諸生不
面墻好待春風童冠集詠歌詩句重江鄉

汝平鄒先生文學去冬阻雪于武塘丁家之山雨

嘉興府志補 卷十

三

樓言懷有詩雲間錢翰撰雖次其韻特更為五言
律以字數之却欠汝平十六箇字予不敢負債只
依元體作七言他日會錢當坐逼十六字債斯勞
逸均也見之當一俸腹

補十六字

錢福

恢恢衷腸冰壺永涼重八字墻賀畫錦鄉

汝平嫌錦帶軒之隘而好出游有作予嘗和之而
呂太常公責予有十六字之逋故仍其韻補之且
期其後顯高門又多十六字矣福識

和

提學憲副馮

蘭餘姚人

獨卧山樓風雪裏思歸欲斷九回腸
聲聞折竹寒更盡影落孤燈夜榻涼
雙鬢自驚殘歲月諸生應立舊門墻
講堂回首春風滿定有高名擬鄭鄉

和

戴經

樓名山雨今山雪我亦袁安卧石腸
詩在灞陵偏得意興隨剡棹不知涼
皚皚輿地清同室齷齪人家短隔墻
莫道武塘滕六阻語音猶復是吾鄉

和

郡二守鄭循新安人

嘉興府志補 卷十一

四

時雨時暘歌帝力偶逢風雪惱吟腸
武塘秀水無多路折竹封梅有底涼
珍重樓翁留鼎鼎空勞郡閣望宮墻
思歸一夜心如火不夢周公夢故鄉

和

江吉

偶向樓居逢雪夜不勝愁緒攪枯腸
清寒氣逼吟魂杳虛白光凝月色涼
樹挺玉龍當曲逕石蹲藍虎近危墻
挑燈呵筆留佳句更與東翁入醉鄉

和

孫壁

卷天大雪歸未得有酒莫澆冰炭腸
履破獨嗟東郭

冷世康誰詠北風涼淹留舟楫連燈火惱亂笙歌隔
苑墻卧聽山城長短漏賣魚橋下即他鄉

和

周珍

朔風吹雨忽成雪欺我梅花鐵石腸郢客陽春難屬
和黨家金帳已荒涼扁舟幾欲尋高興斗酒誰能過
短墻夜半思歸擁衾卧夢魂飛渡水雲鄉

和

沈周

風雪無情淹驥足春愁一縷入詩腸竹爐湯沸和煙
暖石硯冰生帶墨涼野水結銀連古岸江天滾玉壓

嘉興府志補 卷十一

五

雕墻雖然山雨樓多景歸思難醫戀故鄉

和

周澤

樓臺草樹銀粧出阻閣行裝悶客腸剡曲興闌孤棹
冷羅浮夢醒翠禽涼催歌淡影流金帳映卷清光落
粉墻凍合韓公騎馬路却憐無處認歸鄉

和

包鼎

詩句聊為賡阻雪邇來正嬾索吟腸最憐滿卷篇章
富遍閣令人毛骨涼緬想當時淹舍館却嗟多士候
門墻武塘只尺皆吾土羈思何勞歎異鄉

和

薛應祥長洲人

老懷都絕塵中事只有詩逋挂肺腸
筆洒冰天甘冷落火紅茶鼎未荒涼
一瓢寒月深顏巷數尺吟樓匝
賜墻吳下到江方地盡誰云此處是他鄉

和

周明

武塘春暮興歸思山雨樓中惱客腸
瑞雪未鋪千里白朔風先扇九天涼
銀裝島嶼當前席樹變梅花壓
後墻彷彿子長尋勝覽觸時因感盼家鄉

和

沈良

嘉興府志補 卷士

六

滿樓風雪非干雨似亂藍關刺史腸
入望頻驚銀界冷來登深動白麻涼
簷前竹瘦梢點地屋角梅新花
度墻醉雪有齋懸舍許冬殘同景又同鄉

和

胡昂

放舟乘興時前牘風雪漫漫惱客腸
今雨不來嫌淡泊故人相會豈炎涼
看梅東閣先聯句沽酒西隣
過墻翦燭論文因坐久恍疑身在白雲鄉

和

主事曹琛山東人

瑤花瓊闕仙娥剪掃取烹茶潤客腸
熾炭行觴應得

暖投鞭阻馬不禁涼封梅淡影留東閣折竹聲清隔
短牆萬境蕭條人迹少江湖牢落未歸鄉

神仙宮

孫詢

居室誠然曰苟完何須制度十分寬莫言舊貫成規
小當念先時創業難百世流風存利澤三齋好義號
儒冠脩持若也工夫到天下無堅不可鑽

庭戶江山為嘉善庠生吳益賦 沈周

結髮志四方讀書達千古老氏亦有言在戶知天下

吳君浩蕩懷驥足未展武甫從方墀間疊石肖天姥

嘉興府志補 卷十一

七

鑿沼瀆清流亦思可穎汝秀色照眉目澄光逼尊俎
如物青芙蓉臨江挿春雨醉即能遠游神超謝行旅
我呼宗少文與之同起處

同前

王良佐松江人

何年搬取崑崙峯屹然置我盆池中波光照座石隆
石面洗出梨花風一壺中藏小天地三十六洞桃
花雨千年髯松鏢不住只愁化作茅龍去

表賢祠

孫詢

九墩九穴變荒阡玉骨深埋幾百年青史名因詞客

載白牛塘藉路人傳石麟瘞雨生春草野鳥啼晴破
曉煙一片忠魂招不返老夫空自淚潸然

海鹽縣

題詠

雙節樓

沈周

香寒翠晚總非宜豈是蟠桃結子時枯樹女蘿猶戀
主槁花根蒂不離枝髮雲誓截生同落心石存恩死
不移兩紐長絲百年信青青留與九京知

觀海

梅江

嘉興府志補 卷十一

八

海洋東望白漫漫勢壓乾坤萬里寬天地肇分同奠
位魚龍混處任飛搏扶桑日近丹心壯颶母風高鐵
面寒為問籌添經幾變我來應許縱奇觀

登天寧塔

鄒衡

盤迴徐步強躋攀七級凌虛勢甚艱漸覺語隨霄漢
近只疑身傍斗牛間煙籠野樹千林暝風定孤雲一
鶴還東望海天何處盡扶桑新月幾回彎

宿鹿苑禪院

即半羅金明寺

元進士聞人宇

郡邑相望路半停屹然香刹聳林垆罷參釋子忘情

久應供胡僧入夢靈東去無情水繚繞西來有意柏
葱青定知俗 經過少月上松扉不用扃

鹽城紀事

張寧

成化壬辰秋七月海塘騰風石塘決桑田夜變陸成
川一望邊 煙火絕青苗白屋隨亂流紅顏皓首屍
橫立一身雖存六親盡至今白骨無人收已午年來
歲云愈乙未嚴寒霜雪 無端申酉魃為殃兩度風
濤迅如許河流作溷蝨蚌生鹹風着樹枝條零苗方
秀寔水將涸豐稔不及荒年登今年夏月久不雨清

嘉興府志補 卷十一

九

晝耘苗夜車水可憐枵腹不知勞近海膏腴半枯死
啣冤日斷心焦勞炎風吹雲天宇高誰知颶風肆狂
虐平地撥入錢唐潮谿騰谷沸雨呼迸城壞隄摧風
轉盛大家浥漏小家漂不顧田疇顧身命因思去歲
初陽逢雷轟電掣當嚴冬如何六月忘溽暑一雷不
震翻為風崇朝極夜力未息潛起 窗看天色東方
欲白西未明可是龍王聽河伯 黑匪烏赤者狐有
子死父妻死夫下車泣罪知何意卿尹當思日月圖

嘉興府志補卷之十一